

ԵՐՎԱՆԴՈՒՆԻՄԵՐԻ ԾԱԳՄԱՆ ՀԱՐՑԻ ՇՈՒՐՋԸ

Ժ. Գ. ԷԼՁԻՔԵԼՅԱՆ

Հայ ժողովրդի մ. թ. ա. VI—III դարերի քաղաքական պատմությունը սերտորեն կապված է իշխող դինաստիայի՝ Երվանդունիների վարած քաղաքականության հետ։ Նրանց գործունեության շուրջ 400 տարիների պատմության մասին սկզբնաղբյուրների չափազանց սուղ վկայությունները ցրված են Մովսես Խորենացու, Ինչպես նաև հունական ու լատինական պատմիչների՝ Քսենոփոնի, Դիոգորոս Սիկիլիացու, Պոլիենոսի, Պլինիոս Ավագի, Ստրաբոնի, Կուրտիոս Ռուփոսի և այլոց երկերում։ Քսենոփոնը իր ուշագրության կենտրոնում ունեցել է Աքեմենյան Պարսկաստանի, իսկ մյուսները՝ Ալեքսանդր Մակեդոնացու, Սելևկյանների ու փոքրասիական հելլենիստական երկրների պատմությունը, որի հետևանքով Հայաստանի մասին նրանց վկայությունները թուցիկ բնույթ ունեն։ Անտիկ հեղինակների վկայությունները որոշ չափով լրացվում են Փոքր Ասիայում և Հայաստանում գտնված արձանագրություններով։

Երվանդունիների դինաստիայի անընդմիջության մասին պատմագրության մեջ դեռևս միասնական կարծիք գոյություն չունի։ Վերջնականապես լուծված չէ նաև դինաստիայի ծագման խնդիրը։ Երվանդունիների դինաստիայի անընդմիջության խնդրի լուծմանն առաջիմ խանգարում է այն հանգամանքը, որ Մովսես Խորենացու «Հայոց պատմության» և Քսենոփոնի «Կյուրոպեդիայի» տվյալները Երվանդունիների մասին վերաբերում են մ. թ. ա. VI դարին։ Այնուհետև «Արմինա» երկիրը առաջին անգամ հիշատակվում է Բիսիթունյան (հին հիսթունյան) արձանագրությունում, իսկ «Արմենիա» երկիրը առաջին անգամ նշվում է Հեկատոնյոս Միլետացու (մ. թ. ա. 546—480 թթ.) կազմած՝ Օլկունենեի քարտեզի վրա։ Պատմահայր Հերոդոտը (մ. թ. ա. 490—424 թթ.) ոչինչ չի հաղորդում Հայաստանի իշխող դինաստիայի մասին, նա ավելի հանգամանորեն խոսում է Հայաստանի, նրա տերիտորիայի վրա կազմված աքեմենյան սատրապությունների մասին։ Հաջորդ վկայությունները Հայաստանի սատրապ Օրոնտասի ('Ορόντας) և Հայաստանի մասին նույն Քսենոփոնի «Անարադիս» աշխատությունից են և նկարագրում են մ. թ. ա. 401—400 թթ. դեպքերը։ Բիսիթունյան արձանագրությունից (520 թ. մ. թ. ա.) մինչև Քսենոփոնի «Անաբադիսի» վկայություններն (401—400 թթ.) ընկած մոտ 120 տարիների Հայաստանի պատմությունը մնում է անհայտ, և մենք չգիտենք, թե ովքեր են լղիկ Հայաստանի առաջին սատրապները։

Երվանդունիների ծագման մասին աղբյուրների վկայությունները բաղմամբ են։ Ըստ Մովսես Խորենացու մ. թ. ա. VI դարի առաջին կեսին Հայաստանում իշխում էր Երվանդ Սակավակյացը և նրա որդի Տիգրանը, որոնք ժամանակակից էին մեդական թագավոր Աթահակին։ Նրանք ունեն բնիկ տեղական ծագում։ Օտար աղբյուրները Երվանդունիների ծագումը կապում են Աքեմենյանների կամ նրա ղեկավարներից՝ Հյուդարնեսի անվան հետ։ Պերզամոն

բաղադրից 12 կմ հնաավորության վրա՝ Բորիաջիբ կոչված վայրում գտնված արձանագրությունն արդեն նշում է, որ Օրոնտեսը (Օրօնտէ — ըստ արձանագրության) բակտրիական ծագում ունի:

Աղբյուրներում տիրող այս վիճակը տեղիք է տվել կասկածի: Արդյոք գոյություն ունեցել է մի միասնական դինաստիա. եթե V դարի Օրոնտեսները նույն VI դարի Երվանդունիներն են, ապա ինչպե՞ս հաղթահարել Երվանդունիների աբեմենյան ծագման և Պերգամոնի արձանագրության Օրոնտեսի՝ բակտրիացի լինելու հակասությունը: Գ. Տիրացյանն, օրինակ, գրում է. «Այս տրվյալները խախտում են առաջժամեր պատկերացումները Երվանդունիների միասնական դինաստիայի գոյության մասին, և թույլ են տալիս ենթադրելու նաև, որ Երվանդ երկրորդով Հայաստանում սկսել է իշխել մի նոր դինաստիա, որը, գուցե, անմիջական կապ չունի VI դարի հայ իշխանավորների հետ»¹:

Նպատակ չունենալով մանրամասն անդրադառնալ փաստերի առաջին խմբից բխող՝ Երվանդունիների ծագման հայկական վարկածի մանրամասն քննարկմանը (այդ մասին բաղմիցս հանգես են եկել ակադ. Հ. Մանանդյանը², Ս. Երեմյանը³, Գ. Տիրացյանը⁴), մենք միայն ընդհանուր գծերով կամփոփենք Մովսես Խորենացու հաղորդած վկայություններն ու նրանցից բխող եզրակացությունները:

«Հայոց պատմության» Ա գրքի ԻԶ գլուխը Խորենացին սկսում է այսպիսով՝ «Արդ՝ այժմ անցից ի թիւ մերոց արանց, մանաւանդ թէ թագաւորաց, մինչև ցտերութիւնն Պարթևաց: Քանզի ինձ այսոքիկ արք ի մերոց թագաւորաց են սիրելիք, որպէս բնիկք և իմոյ արեան առուք և հաւաստի հարազատք»... «Զի մերոյ աշխարհիս բնիկք պսակաւորք արք այնոքիկ, զորոց զանուանսն ի ներքոյ դրոշմեսցուք»: Հետևում է Մարաց և Հայոց թագավորների սինխրոնիկ աղյուսակը, որն ավարտվում է հետևյալ անուններով.

Մարաց թագավորներ

Կվարսարես
Աթղահակ

Հայոց թագավորներ

Երվանդ Սակավակյաց
Տիգրան

Խորենացու աշխատության համապատասխան գլխի համադրումը Հերոդոտի առաջին գրքի, ինչպես նաև Քսենոփոնի «Կյուրոպեդիայի» տվյալներին, յուրյլ է տվել եզրակացնելու, որ Խորենացու Երվանդ Սակավակյացը և նրա որդի Տիգրանը պատմական անձնավորություններ են, ժամանակակից մեղական վերջին թագավոր Աստիազես-Աթղահակին (մ. թ. ա. 584—553 թթ.): Ա. Է. Է. Հ. Մանանդյանը⁵, Ս. Երեմյանը⁷ ընդունում են, որ Քսենոփոնի վկայի

¹ Գ. Տիրացյան, Երվանդունիները Հայաստանում, ՀՍՍՀ ԳԱ «Տեղեկագիր» (հաս. դիտ.), 1958, № 6, էջ 69—70:

² Հ. Մանանդյան, Քննական տեսություն հայ ժողովրդի պատմության, հատ. Ա, Երևան, 1945, էջ 35—60:

³ Ս. Երեմյան, Հայկական առաջին պետական կազմավորումները, «Պատմա-բանասիրական հանդես», 1968, № 3, էջ 91—119:

⁴ Գ. Տիրացյան, նշվ. աշխ., և «Անարասիւր» և Հայաստանը (տե՛ս Քսենոփոն. Անարասիւր, Երևան, 1976):

⁵ Н. М. Дьяконов. История Мидии. М.—Л., 1956, էջ 350—351:

⁶ Հ. Մանանդյան, նշվ. աշխ., էջ 35:

⁷ Ս. Երեմյան, նշվ. աշխ., էջ 104:

հիմքում ընկած են տեղական ավանդություններն⁸ ու հիշողությունները, որոնց նա ծանոթացել է իշ և հույն պոռթի՝ մ. թ. ա. 401—400 թթ. Արմենիայի միջով կատարված հայտնի նահանջի ժամանակ:

Երվանդունիներին Արևմենյանների հետ կապող կարևոր վավերագիրը Կոմագենեի երկրի Անտիոքոս Ա թագավորի (մ. թ. ա. 69—34 թթ.) կառուցած սրբատեղիի արձանագրություններն են՝ նվիրված հայրական և մայրական գծով իր նախնիներին: Անտիոքոս Կոմագենացին իրեն համարում է Երվանդունի, հայրական գծով նրա անմիջական նախնին Վշտասպի որդի Դարեհ Արևմենյանն է: Սրբատեղիի արևմտյան հարթակի արձանագրությունների շարքի ունի այսպիսի պատկեր⁹.

- | | |
|-------------|-----------------------|
| 1. Դարեհ | 5. Արտասուրա |
| 2. ? | 6. Արտանդես (սատրապ) |
| 3. ? | 7. Արտանդես (թագավոր) |
| 4. Արտանդես | 8. ...գլանես: |

Դարեհին հաջորդող երկու թագավորների անունները մեզ չեն հասել¹⁰, Աղյուսակի շորրորդ կետում հիշատակված Օրոնտեսը աղբյուրներում առայժմ անհայտ է: Նեմրուդ լեռան արձանագրությունը միակ վկայությունն է նրա մասին: Արտասուրան հաջորդ՝ վեցերորդ կետում հիշատակված Արտանդեսի հայրն է (Պերգամոնի արձանագրությունը հաստատում է նույնը):

Արտանդեսը Հայաստանի Արևմենյան սատրապն էր մ. թ. ա. V դարի վերջերին և IV դարի սկզբներին: Արտանդեսին առնչվող արձանագրությունը հայտնում է Արտաքսերքեսի Մենմոնի հետ՝ Արտանդեսի ազգակցական կապի մասին: Նա ամուսնացած էր վերջինիս Ռոդոգունեի դստեր հետ¹¹, Պլուտարքոսը (Artax., XXVII), Քսենոփոնը (Anab., III, 5, 17, IV, 4, 1—3) նույնպես վկայում են Օրոնտեսի և Արտաքսերքեսի այդ ազգակցական կապի մասին: Օրոնտեսն ապրել է բուն քաղաքական կյանքով: Եթե IV դարի սկզբներին նա աջակցում էր Արտաքսերքեսի Մենմոնին և մասնակցում պարսկական տերության վարած պատերազմներին որպես պարսկական ցամաքային զորքերի

⁸ Ն. Աղունցը (Дисонитий Фракийский и армянские толкователи, Петроград, 1915, էջ 129), Հ. Մանանդյանը (Հունարան դպրոցը և նրա զարգացման շրջանները, Վիեննա, 1928, էջ 9, 221), Մ. Արեղյանը (Հայ վիպական բանահյուսություն, Երկեր, Ա, 1966, էջ 134—139), ցույց են տվել, որ Տիգրան Երվանդյանի ժամանակ Մեդական պետությունից Հայաստանի ազատագրման տպավորություններն այնքան ուժեղ են եղել սերունդների վրա, որ ստեղծվել են բազմաթիվ ավանդություններ՝ կաղմելով հայկական էպոսի հնագույն շերտերից մեկը: Խորենացու մոտ այդ ավանդությունների էպիկական ցիկլը միահյուսվել է Տիգրան Մեծին վերաբերող տեղեկություններին:

⁹ Նեմրուդ լեռան սրբատեղիին պեղվել է XIX դարի վերջերին: Տե՛ս K. Humann und O. Puchstein, Reisen in Kleinasien und Nordsyrien, Textband, Berlin, 1890, էջ 308:

¹⁰ Գ. Խ. Սարգսյանը կարծում է, որ ջարդված սալերից մեկը պետք է նվիրված լիներ Արտաքսերքեսի Մենմոնին, մյուսը՝ Քսերքեսին կամ զույգ Ստրաբոնի կողմից որպես Օրոնտյանների տոմի հիմնադիր հիշատակվող Հյուդարնեսին: Տե՛ս նրա Հելլենիստական դարաշրջանի Հայաստանը և Մովսես Խորենացին, Երևան, 1966, էջ 31:

¹¹ «Արտանդեսին, Արտասուրայի [որդուն], որն ամուսնացած էր Հոդոգունեի արքայադստեր՝ Բրեայից-Արքա մեծ Արտաքսերքեսի Մենմոնի դստեր հետ: Օգտագործված է Գ. Խ. Սարգսյանի թարգմանությունը, Նշվ. աշխ., էջ 30:

հրամանատար (Կիպրոսի թագավոր Եվպորասի դեմ պայքարը)¹², ապա իր կյանքի վերջին շրջանում նույն եռանդով ղեկավարում էր հակաաքեմենյան սատրապական ընդհանուր ապստամբությունները, պայքարին մասնակից անելով նույնիսկ հունական ռազմական ուժի Սատրապական այս ապստամբությունների մասին աղբյուրներում պահպանվել են առանձին տեղեկություններ¹³:

Հաջորդ Ալոանդեսը, որը նեմրուդ լեռան արձանագրության մեջ արդեն ունի «թագավոր» տիտղոսը, ըստ Արիանոսի¹⁴ և Կուրտիոս Ռուփոսի¹⁵ վկայությունների, մասնակցել է Արբելայի ճակատամարտին (մ. թ. ա. 331 թ.) որպես հայկական զորքի ղեկավար, իսկ Աքեմենյան տերության փլուզումից հետո, ինչպես ենթադրում է Հ. Մանանդյանը, Հայաստանը անկախություն է ստացել, իսկ նրա կառավարիչ Օրոնտեսը՝ «թագավոր» տիտղոսը¹⁶, խորհնացին նույնպես, թերևս, հիշատակում է այս Օրոնտեսին: Նա կրում է հայկական ավանդական Երվանդ անունը: Ըստ խորհնացու, այս Երվանդի ժամանակ Հայաստանում ծագել է ինչ-որ խառնաշփոթություն՝ «Քանդի Երուանդ ոմն, որդի կնոջ Արշակունույ, թագաւորէ յովթերորդ ամի Դարեհի վերջնոյ»¹⁷:

Երվանդ վերջինի մասին մանրամասն տեղեկություններ պահպանվել են ինչպես խորհնացու, այնպես էլ Ստրաբոնի մոտ: Ստրաբոնը գրում է. Հայաստանի «...վերջին իշխողն էր Օրոնտեսը, յոթ պարսիկներից մեկի՝ Հյուդարնեսի հետնորդը: Դրանից հետո երկիրը բաժանվեց երկու մասի Անտիոքոս Մեծի ստրատեգոսներ Արտաքսիասի և Զարիադեսի կողմից»¹⁸:

Հիմնվելով Ստրաբոնի՝ Օրոնտես վերջինի Հյուդարնեսից ծագած լինելու մասին այս վկայության վրա, ակադ. Ստրուվեն¹⁹ գրում է, որ Հյուդարնեսը 'Դարեհի ժամանակ նշանակվել էր Հայաստանի սատրապ և նրա հաջորդները իշխում էին Հայաստանում մինչև Ալեքսանդր Մեծի ժամանակները: Մ. Ա. Դանդամաևը²⁰ Հյուդարնյանների սատրապության ժամկետը երկարաձգում է, հասցնում մինչև Անտիոքոս Մեծի ժամանակները: Կ. Թումանյանը²¹ կարծում է, որ «Օրոնտես Ա-ից առաջ, անկասկած, երկու Հյուդարնյաններ հաջորդաբար Հայաստանի սատրապներ են եղել: Սրանք են Հյուդարնես (3-րդ) և նրա որդի Տերիտոլմեսը»: Իսկ Գ. Տիրացյանը իր վերջին հոգվածում գրում է. «Ի սկզբանե Դարեհ Առաջինը Հայաստանը հանձնեց որպես սատրապություն Հյուդարնեսին և նրա հետնորդները ժառանգաբար կառավարում էին այն: Հավանական է, որ Հյուդարնեսի նույնանուն որդին մի կողմից և Օրոնտասի՝ նեմրուդ լեռան արձանագրություններում հիշատակվող հայրը՝ Արտասուրան, և պապը՝ նույն-

¹² Polyaen, VII, 14, 1.

¹³ Polyaen, VII, 14, 2-3.

¹⁴ Arriani, III, 11, 7.

¹⁵ Curtius Rufus, IV, 12, 10.

¹⁶ Հ. Մանանդյան, Քննական տեսություն..., էջ 93 և հտ.:

¹⁷ «Մովսիսի խորհնացույ Պատմութիւն Հայոց», դիրք Բ, 1է: Մովսես խորհնացին այս Երվանդին նույնացնում է Երվանդ վերջինի հետ, այն Երվանդի, որի ժամանակ հայկական զահն անցել է Սելևկյան ստրատեգոս Արտաշեսին:

¹⁸ Strab., XI, 14, 15.

¹⁹ В. В. Струве. Этюды по истории Северного Причерноморья, Кавказа и Средней Азии, Л., 1968, էջ 218, ծանոթ. 58.

²⁰ М. А. Дандамаяев, Иран при первых Ахеменидах, М., 1963, էջ 175.

²¹ С. Toumanoff, Studies in Christian Caucasian History, Georgetown University press., 1963, էջ 263.

պես Օրոնտես, մյուս կողմից, ևս եղել են Հայաստանի սատրապներ, Հյուդարնես՝ Դարեհի զինակցի և Օրոնտասի՝ Արտաքսերքսես II փեսայի կառավարման տարիների միջև ընկած ժամանակաշրջանում»²², ի՞նչ կարելի է ասել Հյուդարնեսի և հյուդարնյանների մասին:

Հյուդարնեսի անվանը մենք առաջին անգամ հանդիպում ենք մ. թ. ա. 521 թ. Աքեմենյան Պարսկաստանում տեղի ունեցած դեպքերի կապակցությամբ: Եզդիպոտում բռնկած ապստամբությունները ճնշելու համար Կամբյուսեսը մեկնում է այնտեղ: Շուտով նա լուր է ստանում, որ եղբայրը՝ Բարդիան, Պարսկաստանում ապստամբել է և իրեն հայտարարել թագավոր: Նա անմիջապես թողնում է Եզդիպոտը, բայց ճանապարհին մահանում է: Ի՞նչ ժամանակ անց Դարեհը վեց նշանավոր պարսիկների հետ դավադրություն է կազմակերպում Բարդիայի դեմ՝ անվանելով նրան Գաուդատա (մոգ) և իշխանությունը կենտրոնացնում իր ձեռքում: Բիսիթունյան²³ արձանագրության վերջում մենք հանդիպում ենք դավադիր պարսիկների անունների, որին հետևում է Դարեհի կտականման ուղերձը. «Դարեհ թագավորն ասում է, — դու, որ հետագայում սլետք է դառնաս թագավոր, լավ պահպանիր այս այրերի տոհմը»²⁴, Հյուդարնեսի անունը Բիսիթունյան արձանագրությունում պահպանվել է պարսկական Վիդարնա (Vidarna) ձևով, Հերոդոտը նրան անվանում է Հյուդարնես²⁵ (Ἰδάρνης), Կտեսիասը՝ Իդերնես (Ἰδέρνης)²⁶, Բիսիթունյան արձանագրությամբ սպառվում են Դարեհի ժամանակակից Հյուդարնեսի մասին տեղեկություններ: Հաջորդ Հյուդարնեսը առաջինի որդին էր, նշանավոր զորավար: Հոր կենդանության ժամանակ ղեկավարում էր պարսիկների արշավանքը դեպի Հունաստան: Նա «անմահների» գնդի հրամանատարն էր: Հերոդոտը, Պալսանիասը բազմիցս հիշատակում են այս Հյուդարնեսին, որը ղեկավարում էր Խերմոպոլի ճակատամարտը: Մի երրորդ Հյուդարնես, որը երկրորդի որդին կամ թոռն էր, հիշատակվում է Կտեսիասի²⁷ մոտ: Այս Հյուդարնեսը հայրն էր Տերիտուրմես (Τερριτούρης), Տիսափերնես (Τισαφέρνης) և Ստատիրա (Στατίρα) անուններով անձնավորությունների:

Այնքան գալթակգիչ է եղել հին աշխարհի խոշոր աշխարհագետ Ստրաբոնի վկայությունը, որ ուսումնասիրողները աչքաթող են արել Հերոդոտին, որ գրում է. «...Οὗ δὲ Ἰδάρνης ἕν μὲν γένος παρὰ τὸν δὲ τὸν παρὰ δαίανσιον ἀνὴρ πῶν τὸν ἐν τῇ Ἀσίᾳ» (Հյուդարնեսը, ծագումով պարսիկ, եղել է Ասիայի մերձափնյա ժողովուրդների կառավարիչը)²⁸: Քսենոփոնի «Անաբասիս» աշխատության վերջին՝ VII գրքի 25-րդ հատվածում Փյունիկիայի և Արաբիայի սատրապ հիշատակվում է ոմն Դերնես «Φοινίκης καὶ Ἀραβίας Δέρνης»

²² Գ. Տիրացյան, «Անաբասիս» և Հայաստանը, էջ 230:

²³ Beh., IV, 80—86

Vindafarna

Vidarna

Utāna

Bagabuxsa

Gaubaruva

Ardumanis

²⁴ Բիսիթունի արձանագրության լրիվ տեքստը տե՛ս Դանդամակի նշված աշխատությունում, էջ 262—270, Beh., IV, 86—88:

²⁵ Herod., III, 70, VI, 133.

²⁶ Ktes., Pers., 14.

²⁷ Նույն տեղում, 53, 54:

²⁸ Herod., VII, 135.

Դերնես անունը Ֆուստի²⁹ պարսկական անձնանունների բառարանում նույնացվում է Հյուդարնես անվանը, որով, մեր կարծիքով, ամրապնդվում է Հերոդոտի վկայությունը: Հետևելով Հերոդոտի և Քսենոփոնի վկայություններին, մենք գտնում ենք, որ Հյուդարնեսը Միջերկրական ծովի (և ոչ թե Ան) ափին ապրող ժողովուրդների սատրապն էր: Հնարավորություն ունենք մեկնարանել նաև Ստրաբոնի վկայությունը:

Կտեսիասը³⁰ և նրան հետևելով Պլուտարքոսը վկայում են, որ Արտաքսերքսես Մնեմոնը ամուսնացած էր վերը հիշատակված Հյուդարնեսի (Յուդ) Ստատեիրա դստեր հետ, իսկ նույն Հյուդարնեսի որդին՝ Տերիտուքմեսը, Արտաքսերքսեսի Ամիսարիս (Ամեսթրե) տնունով քրոջ հետ: Նա գրում է. «Ἀρταξέρξης ὁ 6 τὸν βασιλέως παῖς, ὁ καὶ ὁστέρων μετόνομασθεῖς Ἀρταξέρξης, γαμῆται τῇ Τερσίπασσι θυγατρὶ Στάτιδαν (Իսկ Արշակը, թագավորի որդին, որը հետագայում վերանվանվեց Արտաքսերքսես, ամուսնանում է Հյուդարնեսի դստեր՝ Ստատեիրայի հետ):

Հյուդարնեսի դուստր Ստատեիրան Արտաքսերքսեսի պալատում արտակարգ իրավունքներ ուներ³¹, Պլուտարքոսի³² վկայությամբ միայն նրա դավաններն էին համարվում զահի օրինական ժառանգներ: Այսպիսով, Ռոդոդունի միջնորդությամբ, որը Հյուդարնեսի թոռն էր և Արտաքսերքսեսի աղջիկը, Օրոնտեսը աղղական է դառնում միաժամանակ և՛ Հյուդարնյաններին, և՛ Աքեմենյաններին: Ուրեմն, Ստրաբոնի վկայությունն ու Կոմագենի նեմրուդ լեռան արձանագրության վկայությունը լրացնում են միմյանց և ոչ թե հակասում: Հայտնի է, որ Փոքր Ասիայի շատ թագավորներ իրենց ծագումը կապում էին նշանավոր պարսիկներից որևէ մեկի անվան հետ³³: Աքեմենյան տրագիցիա-

²⁹ F. Justi, Iranisches Namenbuch, Marburg, 1895, էջ 368:

³⁰ Կտեսիասը, ազգությամբ հույն, Արտաքսերքսես Մնեմոնի ժամանակակիցն էր ու նրա պալատական բժիշկը: Նա գրել է «Արաքսաստանի պատմությունը» (Ἀπαρχαστανῆς): Որը, ըստ հեղինակի, հիմնված է եղել պարսկական թագավորների զործունեության մասին պատմող թագավորական մատյանների վրա (Ἐκ τῶν βασιλικῶν διφθεράων): Աշխատության 23 գրքերից մեկ հասել են միայն հատվածներ Դիոդորոսի, Հուստինոսի, Պոլիենոսի և ուրիշների միջնորդությամբ: Աշխատությունը պարունակում է պարսիկների կյանքին վերաբերող կենցաղային մանրամասներ: Կտեսիասի աշխատության արժանահավատությունը կասկածի է ենթարկվում: Բայց քանի որ նա Արտաքսերքսեսի ժամանակակիցն էր ու նրա պալատական բժիշկը, ինչպես գրում է Պլուտարքոսը (Artox., I), ապա զովար է պատկերացնել, որ նրան հայտնի չլինեին զոհն Արտաքսերքսեսի, նրա կնոջ և որդիների անունները:

³¹ Դարեհն ամուսնացած էր Կյուրոսի աղջկա՝ Աթոսայի և Կամբյուսեսի ու Բարգիայի հարեմում գտնվող բոլոր կանանց հետ: Խորամանկ ու փառասեր Աթոսան Դարեհի արքունիքում հասնում է արտակարգ վիճակի՝ զառնալով ամենազոր Աթոսան հայտարարվում է զլիավոր թագուհի: Վաղ շրջանի հունական հեղինակները Շամիրամի օրինակով նրան ներկայացրել են որպես լեզենդար թագուհի: Սկսած Աթոսայից, պարսկական արքունիքում հաստատված կարգի համաձայն, թագավորի կանանցից մեկը համարվում էր զլիավոր, ուներ թագ կրելու իրավունք, սեփական եկամուտներ և ստրուկներ: Տե՛ս Herod., IV, 66, 68, VIII, 3 (τὴ γὰρ Ἀρσασαίῃς τὸ πῦρ ἔχουσα): Ktes., Pers., 20; Arrian, Anab., Alex., II, 11, 12:

³² Ստատեիրայի մասին տես Plut., Artax., V, VI, XVII, XIX և այլն:

³³ Կապագովկիայի Արիարայանները իրենց սերված էին համարում նշանավոր պարսիկ Օթանայից (Οὐτανάειος, էջ 174): Պոնտոսի թագավոր Միհրդատ IV (մ. թ. ա. III դար) իրեն նույնպես համարում էր յոթ պարսիկներից մեկի հետնորդը: Նա ապացուցում էր, որ իր նախնիները նույնպես մասնակցել են զավաղությունը: Ի նշան երախտագիտության նրանք ժառանգություն են ստացել Կապագովկիան, այդ իսկ պատճառով իրավունք ունեն գրավելու այն (Polyb., 43, 2, հմտ. Diodori, XIX, 40, 2): Նույնպիսի պահանջներով հանդես էր գա-

ների կենսունակության պայմաններում սատրապ Օրոնտեսի՝ Արտաքսերքսես Մնեմոնի աղապական լինելու փաստը, անշուշտ, ամեն առիթով ուռնացվել է:

Երվանդունիների ծագման վերջին՝ բակտրիական վերսիան չի առնչվում հունա-հռոմեական աղբյուրներին: Այն պահպանվել է Պերգամոն քաղաքից 12 կմ հեռավորության վրա գտնվող Բորիաշիք վայրում գտնված արձանագրության մեջ: Արձանագրությունն առաջին անգամ հրատարակել է Թ. Ռեյնարը³⁴: Վերջինիս կարծիքով արձանագրությունը մ. թ. ա. IV դարի վավերագիր է: Այն պնասված է, որոշ տողեր ամբողջությամբ չեն պահպանվել:

1. [μωνα]ρχία... διό...
2. κατ]ετος̄ εξα[στ]ον. Καὶ πρωτος̄ ἐπρωτ[ανευ]σεν
3. ...ας̄ καὶ ἐξ̄ ἐκείνοῡ με̄χρι νῶν̄ πρωτ[ά]νεις̄ ἀεί
4. διατελοῦσιν. Ὁρόντης̄ δὲ Ἀρταξ[ου]
5. τὸ γέν]ος̄ βακτριος̄, αποστ[α]ς̄ ἀπὸ Ἀρταξ[ερ]ξ[ου] τῶν
6. περ]σιων̄ βασιλέω̄ ἐκράτ[η]σεν τῶν̄ περ[γα]μενων̄
7. καὶ μ]ετῶκισεν̄ αὐτοῦς̄ πάλιν̄ ἐπὶ τῶν̄ νο[τι]ωνων̄
8. εἰς]τήν̄ πα[λαι]άν̄ πόλιν. εἴτα Ὁρόντης̄ .
9. ...τήν̄ πόλιν̄ ἐ]πε[τε]θε̄ας̄ Ἀρταξ[ερ]ξ[ου] ἀπέθ[α]νεν.

(...մոնարխիա... և առաջին պրիտանը եղավ... և մինչև այսօր պրիտանները միշտ իրար հաջորդել են: Արտասուրայի որդի Օրոնտեսը, ծագումով բակտրիացի, ապստամբելով պարսիկների թագավոր Արտաքսերքսեսից, պերգամոնյան լին նվաճեց և տեղափոխեց նրանց դարձյալ դեպի ծովածոցը, նախկին քաղաքը: Հետո Օրոնտեսը քաղաքը Արտաքսերքսեսին վերադարձնելով, մահացավ):

Արձանագրության բովանդակությունից հասկացվում է, որ Օրոնտեսի պատմությունն այստեղ միջանկյալ նշանակություն ունի, իսկ Պերգամոն քաղաքինը՝ առաջնային: Մեկից չորրորդ տողերից պարզվում է, որ Պերգամոնում վերացել էր մոնարխիան և քաղաքը ղեկավարվում էր պրիտանների կողմից: Վերջիններս մ. թ. ա. IV դարում թագավորից հետո երկրորդ անձնավորությունն էին: Հավանաբար առաջին պրիտանը թագավորի ընտանիքից էր և նրա անունն ավարտվել է... աս -ով: Պերգամոնում այդ վիճակը տեղի է մինչև ներկայից իրադարձությունների ժամանակը: Օրոնտեսի անունը հիշատակվում է քաղաքին պատահած դժբախտության կապակցությամբ: Թե ինչ հանգամանքներում և ինչ պատճառով է Օրոնտեսը վերաբնակեցրել պերգամոնյաններին, հայտնի չէ: Համենայն դեպս այդ իրադարձությունները ցնցող տպավորություն են թողել ժամանակակիցների վրա: Ապացույցը մեկ հասած այս գրավոր վավերագիրն է: Արձանագրության հեղինակն, անշուշտ, Օրոնտեսը չէ. հավանաբար, ավելի ուշ, այն թողել են քաղաքի ղեկավարները: Այս հանգամանքը մեկ հնարավորություն է տալիս ենթադրելու, որ Օրոնտեսի՝ բակտրիացի հորջորջումը թյուրիմացության արդյունք կարող է լինել: Բանն այն է, որ հնում Բակտրիա քաղաքը և Բակտրիանա երկիրը հայտնի են եղել նաև Զարիաս-

լիս նաև Պոնտոսի Արտաբազես թագավորը [...Artabazes a septum Persis oriundus], Annaeus Florus, XL 15, 1: Bellum Mithridaticum): Վերջապես կոմագենեի Անտիոքոս Ա-ն փաստորեն իր ծագումը Երվանդունիների միջոցով կապել էր Արեմենյաններին:

³⁴ Ռեյնարը արձանագրությունն առաջին անգամ հրատարակել է Les origines de la ville de Pergam, Revue Historique, Paris, 1886, № 32. Նա արձանագրության չորրորդ

պա անունով: Հայաստանում մենք ունենք Զարասպ³⁵ անունով լեռը, որի անունն աղերսակցվում է Զարիասպային: Զարասպ լեռը գտնվում է Արդինի-Մուսասիր երկրի տերիտորիայի վրա, Կելիշին լեռնանցքից հարավ և ունի 3497 մետր բարձրություն³⁶: Նրա ժամանակակից անունն է Սիահ-կուհ: Պլինիոսի³⁷ հիշատակության համաձայն Aroandes ցեղը բնակվում էր Գավգամելա քաղաքից արևելք՝ այսինքն նույն Արդինի-Մուսասիր երկրում: Այս փաստերը մեզ թույլ են տալիս ենթադրելու, որ Պերգամոնի արձանագրության մեջ հիշատակված «Բակտրիան» թյուրիմացության արդյունք է՝ առաջացած աշխարհագրական նման տեղանունների նույնացման հողի վրա՝ Զարիասպ (Բակտրիա) — Զարասպ:

* * *

Ամփոփելով վերը ասածը պետք է եզրակացնել, որ Երվանդունիների հայկական դինաստիան (ըստ Մ. Խորենացու վկայությունների) իր ծագումն առել է մ. թ. ա. VI դարի սկզբներին: Արեմենյանների ժամանակ՝ մ. թ. ա. V դարում, հայկական թագավորության տերիտորիայի վրա կազմված սատրապությունում իշխել են Երվանդունի դինաստիայի ներկայացուցիչները՝ ըստ որում 520 թ. մինչև 401 թ. ժամանակահատվածի համար մենք ունենք Կոմագենեի արձանագրությունում հիշատակվող Արոանդես (№ 4) և Արտասուրա (№ 5). որոնց մասին գրավոր աղբյուրները ոչինչ չեն հաղորդում: Արոանդեսից առաջ եղել են ևս երկու անուններ, որոնք, ինչպես նշել ենք վերը, ջնջված են և անընթեռնելի: Մենք հավանական ենք համարում, որ ջնջված անուններից գոնե մեկը թերևս եղել է նույնպես Արոանդես:

Արտասուրայի ժամանակ, անշուշտ, Հայաստանի քաղաքական դերը նշանակալից էր, որի հետևանքով էլ Արտաքսերքսես Մնեմոնը ազգակցական կապի մեջ է մտնում Երվանդունիների հետ՝ իր դուստր Թոգոդունեին կնության

սողի Առաջ. ...վերականգնել է Արտաքսերքսես, հաջորդ՝ հինգերորդ սողի առաջին բառի օգ կարգում է Վաթսա ախինքն «Արտաքսերքսեսի փեսան, բակտրիացի»: Երկրորդ անգամ. արձանագրությանը անդրադարձել է չորս տարի անց, երբ հրատարակեցին Կոմագենեի վերը նշված արձանագրությունները: Այս անգամ նա արձանագրությունը կարդաց այնպես, ինչպես բերել ենք վերևում: Այս տեքստը վերջնականապես ընդունված է: Stéphanie Ladinastie de Commagene, Revue des études grecques. Paris, 1890, 5. III, նաև՝ Jalabert and R. Mouterd. Inscriptions grecques et latines de la Syrie I, Commagène et Cyrrhes-tique. Paris, 1928, 11, 4:

35 Զարասպ անվանը մենք հանդիպում ենք Սերևոսի մոտ. տե՛ս «Պատմություն Սերևոսի եպիսկոպոսի ի Հերակլես, Իրևան, 1939: Վահրամ Զուրինը նախարարներին խոստանում է, որ ձեռք ինքը հաղթի, Հայկական թագավորությունը կվերականգնի իր նախկին սահմաններով «...նրա հողում ձեռք զամենայն երկիրն Հայոց մինչև Գլապկոհ և ցղուն Աղվանից, և յԱսորոց կողմսն է՝ զԱրուաստան, զԾոփն և զնոր Շիրական մինչև ցաահման Տաճկաց, զի առ նախնեալն իսկ ձեռք լիալ է և ընդ արևմուտս մինչև Գլապարիա Կուպղուվկաչուց: Եւ ես մի իշխեցից քան Զարասպ անցանել յայնկոյս...» զլ. Բ, էջ 39, կամ 64 անցանէ առ սահմանան առ ամուր աշխարհան մարաց և հասանէ ի լեառն Զարասպ, և անցանէ առ նոր Շիրակ երկրան», զլ. Բ, էջ 9, հմմտ. նաև զլ. Լէ, էջ 95 «...նվ նորա անկեալ յայնկոյս լերինն Զարասպայ յերկիրն Ասորիստանայց»:

36 Ս. Տ. Երևմյան, Հայաստանն ըստ «Աշխարհացոյց»-ի, էջ 51, հմմտ. նաև Հայկական առաջին պետական կազմավորումները, էջ 113:

37 P11 n., NH, VII, 1, 18.

տալով նույն Արտասուրայի Արոանդես որդուն: Այս հանգամանքը չի կարող խախտել Երվանդունիների հայկական ծագման մասին մեր պատկերացումները, քանի որ Երվանդյանները միայն IV դարի սկզբներից կարող էին Ռոդոդունեի միջնորդությամբ առնչվել և՛ Հյուզարնյաններին և՛ Աքեմենյաններին, այն էլ միայն մայրական դժով: Պետք է ուշադրություն դարձնել այն հանգամանքի վրա, որ, ինչպես նշեցինք վերը, Խորենացին Երվանդ վերջինին համարում էր Արշակունի ցեղի կնոջ որդի, Սեբեոսի մոտ նույնպես հիշատակվում է Արշակի որդի Երվանդը՝ «Երուանդ որդի Արշակայ»³⁸:

К ВОПРОСУ О ПРОИСХОЖДЕНИИ ДИНАСТИИ ЕРУАНДИДОВ

Ж. Г. ЭЛЬЧИБЕКЯН

(Р е з ю м е)

В историкографии до сих пор нет единого мнения о непрерывности династии Еруандидов. Окончательно не решена также проблема происхождения династии.

Рассматривая источники о происхождении династии Еруандидов, автор выясняет, что род Гидарна, полководца Дария, был в родстве с персидской царской фамилией. Дочь Гидарна Статейра (V в. до н. э.) была женой Артаксеркса Мнемона (404—358 гг. до н. э.). Следовательно, сатрап Оронт (Еруанд), будучи женатым на дочери той же Статейры, Родогуне, одновременно был в родстве и с Гидарном, и с Артаксерксом Мнемомом, почему следует полагать, что свидетельство Страбона и данные надписи Антиоха Коммагенского на горе Немруд не противоречат, а дополняют друг друга.

Рассматривается также версия о бактрийском происхождении Оронтаса (Еруанда). Страна Бактрия называлась также Зарнаспой. В Армениии, южнее ущелья Келишин, в стране Мусасир-Ардини, была гора Зарасп. По свидетельству Плиния, племя Ороандес жило на этой территории. Упоминание «Бактрии» в надписи из Пергама надо рассматривать, возможно, как недоразумение, возникшее вследствие отождествления близких по звучанию географических названий «Зарнаспа» (Бактрия)—«Зарасп».

³⁸ Սեբեոս, գլ. Բ, էջ 10—11: